

《中國地方藝文薈萃》編委會 編

中國地方藝文薈萃

學苑出版社

華東卷·第十輯

華東卷·第十輯

捌

中國地方藝文薈萃

《中國地方藝文薈萃》編委會 編

德州师范学院内部使用



七十二峰足徵集八十八卷（六）

贵州师范学院内部使用

七十二峰足徵集八十八卷（六）

（清）吳定璋輯

據清乾隆十年（一七四五）吳氏依綠園刻本影印

七十二峰足徵集卷五十六

武峰吳定璋友篁菟錄

長洲吳勳幼清編訂

馬雲程

雲程字昂霄西山人張士誠據蘓日擯之不出

述懷示友

彈指無人會此心且隨麋鹿卧長林淵明籬下青  
山老茂叔窓前碧草深半榻清風閒注易一尊濁  
酒夜橫琴悠然自可忘身世何用徵書特地臨

馬箎

箎字仲和

遊上真宮

廣福舊琳宮幽深一徑通  
砌鋪芳草綠水泛落花  
紅露濕栖松鶴天垂飲澗虹  
鍊師能愛客陪坐說

參同

題祥符寺

遙憶少年日禪宮著屐遊  
夫椒山外境笠澤水邊  
樓梅雨一旬暝松風五月秋  
何能訪僧去重汎北

湖舟

馬

春

春字景陽

舟次漢陽輓南平趙輔之

楚水湘雲滯客程  
旅懷於此重傷情  
文星入夜光何在  
華月逢秋色自明白  
鶴幾時歸北海  
青山何處是南平  
臨風不盡追思意  
愁倚孤篷到五更

足徵集

馬氏合編

二

徐偉

偉字朝器號古心東園人幼嗜學不樂仕進品行端方布衣終老壽躋八十登臨嘯咏之興不減少年著有漫成稿數卷

讀史

避亂居東海就養歸西周遜位遠去國此德諒爲優叩馬苦強諫蒿誼摩清秋君臣道既喪食粟誠爲羞試問首陽山薇菜今生不

周亡六國滅天下歸暴主志士報君仇倡義一擊

始成功三寸間封畱志足矣淮陰參夷禍相國下  
獄耻惟公獨知幾從遊赤松子

漢獻失君德群雄力角爭人龍隱南陽不求利與  
名一朝感三顧君臣魚水情出師表忠節正統得  
以明天胡不假年大星殞前營

出岫雲無心倦飛鳥還樹采采菊有華園廬日成  
趣不爲五斗粟折腰挫吾志五柳春意多其間足  
潛世至奈信史中特書晉徵士

對菊

爲愛風霜姿值之庭之興侵晨理苔蕪祇恐伍莽  
草春葉密以稠秋叢嫵而好寒風揚汝香嚴霜厲  
汝操桃李競春陽肯與較晏蚤嗟哉君子心歲月  
坐成老發言肅殺時晚節善自保

電

維茲戊戌年孟夏月在巳草木正長養繞屋綠陰  
駢百果實已碩趁麥花放始朔越初八日疾風西  
北起迅雷忽奔騰降雹澍大雨大者或如拳小者  
沙礫比頃刻遍階除深厚盈寸許初陰奪五陽差

以積雪擬牛羊皆鼓栗雞犬凍欲死兒女不解事  
覩之反欣喜相呼競相掇爭藏罐甕裏彼嚼齒頰  
寒我見毛髮墜兀坐小窓前對之默不語後申直  
至戌三時尚未已可憐茅茨居漏濕無乾處夜半  
纔少息明發始開霽桶林實已空秧針偃洪水方  
長盡摧折條枚絕萎靡植物既誅夷吾民亦何恃  
一年衣食資一冬竟已矣吁嗟乎蒼生負此養生  
計無羨與無禾何以保卒歲廊廟非無人陰陽當  
變理災祥果天乎疇能問太史

木梳嘆

嗟彼凌雲材性稟青陽德長者作棟梁短者不棄  
擲雖加刀鋸功豈為矯揉質形取偃與俯齒愛平  
而密一朝一相見用舍隨所適亂則賴爾理曲則  
賴爾直青年與相契至今逾半百爾當銛利時吾  
髮正鬢黑今爾齒已鈍嗟我頭已白爾壽固在我  
我當為爾惜我壽固在天調攝爾有益順氣祛風  
邪仗此疏通力人物兩相保勿使侵邪慝惜無百  
年身視爾三嘆息

夢梅曲

湖山青湖水綠湖邊萬卉皆發育杏桃含露將茁  
芽楊柳凝烟半曠蹙耐寒挺挺有喬松掃月修修  
多美竹何如湖上幾株梅不入群芳自幽獨月移  
疎影寫橫斜絕勝佳人在空谷恍然身與梅魂會  
千古師雄夢還續嫣然一笑倚林下雲為衣兮綃  
為服談諧霏屑吐清香吟詩不落香奩局一觴一  
詠可流連半醉樂醒那敢觸良夜迢迢何所有太  
虛為室丹為燭不須更扣酒家門一枕黃梁夢初

熟枝上翠禽啼曉烟獨步蒼苔揩病目嗚呼茲遇  
真絕奇三嘆臨風歌此曲明朝酒醒還復來香雪  
紛紛滿林麓

胥口阻風二首

寒氣鬱征裘西風阻客舟故山一水際殘夢五更  
頭身世空中葉乾坤波上漚壯懷猶未已呼酒看

吳鈞

信宿胥溪口風濤勢未平千林正搖落萬竅忽爭  
鳴旅夢苦難就聞愁何易生年來生計拙桂玉轉

閨情

過淡雲上人山房

重到空王宅山房  
失皎然未傳金粟影  
已作玉樓仙  
局罷彈碁子  
瓢虛飲鹿泉  
寂寥白蓮社  
誰復可談禪

秋夕感懷二首

一聲秋鴈到江南  
燈燼蕭然旅思添  
金馬石渠寧強致  
嘉魚熊掌信難兼  
寒蛩泣露偏依井  
涼月流輝半入簾  
萬事縈心眠未得  
坐來殊覺夜慊慊